

甘肅青史略上編卷之二十七

中華民國

案中國古稱華夏外夷稱爲中華其說有自路史伏羲母華

見路史

卷之二十七

華胥之渚

注羅苹

寶積記伏羲所都國有華胥之淵因其母華胥居之而

子華胥氏之國在弇州之西台州之北或謂華胥在華山之

見地志

方原高而土曠故又稱爲大夏王子年

通渭縣人著拾遺記

以華胥爲九江神女

又云華胥乃閩中俞水之地常璩華陽國志蜀伏羲女嫫之所常游今蛾眉

有伏羲女嫫洞

見路史

隴蜀毗連古帝游覽事所恆有若以蛾眉一洞認爲國

都未免近於附會

宇實萬有一陰陽變化而已陰盛陽衰固無以致和純陽無陰亦莫有得中

吾國位居溫帶且當亞洲大陸平原萬里海闊天空兩儀中和之氣覆載其間五洲列國罕與比倫是以寒來暑往就燥流溫均適得其正而無北寒南暑西燥東溫之偏國以中名其在斯乎有此山川有此氣候位天地育萬物二氣網緼周流六虛唯變所適故共和尙焉

壬子民國元年

甘肅尙未承認共和仍用夏歷正月

春正月朔日督署慶賀甘軍克復陝西醴泉縣

旦元

拂曉時文武往萬壽宮朝賀畢齊集督署賀新年長庚對司道言狄武襄昨夜已取崑崙關矣農智高復何患乎衆忙然不知所對巡警道趙維熙索來電閱之始知去年除夜振武軍統領陸洪濤占領醴泉司道同聲而賀曰這是我皇上的洪福與大帥聲威所致不出一日便到咸陽此項消息傳出蘭州市懸龍旗慶賀

案民主國之制始於希臘大秦漢書西域傳大秦國置三十六將會議國事王無常人簡立賢者先是西胡時希臘人奉其國之天神入必德爾爲君公舉賢者爲阿爾干以治國事二年一更今世界各國皆同此俗
中華民國總統任斯亦二年一舉

督署禁止元宵節放火

不許如往年之放煙火也

民主國之制自
希臘始時當
中國西周言
人不能言

黃毓九等爲便
進共和耳與無
故換亂者不同

案浙江海鹽縣人善製庭燎元夕特盛鹽官縣硤石西山廣福寺有宋碑勅名曰監海鹽縣激浦鎮兼煙火公事某夫庭燎細事耳見於帶銜亦見前代綜覈處鹽州燈節前後商號放花其放花地點在暢家巷山西人謂放花爲放火

黃鉞在秦州獨立組織軍政府

先是春正月十九日省城各司道商同咨議局議長張

甘紳學各各界鮮有知其事者黃鉞密淵陝西其得共和已成之信在正月初間意謂甘肅官紳接奉中央電文當較秦州爲最早何以東征軍隊尚未停戰禮泉既克復謀取咸陽直進長驅大張旗鼓是直破壞共和防害治安推其原因皆督一人階之歷耳長庚爲滿州世僕受恩深重其不肯承認共和猶有可原之意而甘肅之官紳皆仰視長官鼻息隨聲附和若不知清廷之果已退位長庚一日不去職甘肅卽一日不承認共和甘肅既反抗共和海內卽視甘肅爲公敵竊恐東南各軍轉而西向聲罪致討理屈詞窮甘肅大局岌岌乎殆哉乃於是月廿三日宣告獨立組織軍政府

長庚始宣布清庭遜位詔

先是宣統三年冬十二月二十五日卽中華民國元年二月十二日頒布第一次諭旨云朕欽奉隆裕皇太后懿旨前因

民軍起事各省響應九夏沸騰生靈塗炭特命袁世凱遣員與軍民代表討論大局議開國會公決政體兩月以來尙無確當辦法南北睽隔彼此相持尙礙於途士露於野徒以國體一日不決故民生一日不安今全國人民心理多傾向共和南中各省既倡義於前北方各將亦主張於後人心所向天命可知予亦何忍以一姓之尊榮拂兆人之好惡是

用外觀大勢內審輿情特率皇帝將統治權公諸全國定爲共和立憲國體近慰海內厭亂望治之心遠協占聖天下爲公之義袁世凱前經資政院選舉爲總理大臣當茲新舊代卸之際宜有南北統一之方卽由袁世凱組織臨時共和政府與民軍協商統一辦法總期人民安堵海內平靖仍合漢滿蒙回藏五族完全領土爲一大中華民國予與皇帝得以退處寬閑優游歲月長受國民之優禮親見郅治之告成豈不懿歟第二次諭旨云朕欽奉隆裕皇太后懿旨前以大局艱危兆民困苦特飭內閣與民軍商酌優待皇室各條件以冀和平解決茲據復奏民軍所開優待條件於宗廟陵寢永遠奉祀先皇陵制如舊妥修各節均已一律擔承皇帝但卽政權不廢尊號並議定優待皇室八條待遇滿蒙回藏七條覽奏尙屬周到特行宣示皇族及滿蒙回藏人等此後務當化除畛域共保治安重賭世界之昇平胥享共和之幸福予實有厚望焉第三次諭旨云朕欽奉隆裕皇太后懿旨古之君天下者重在保全民命不忍以養人者害人現在新定國體無非欲先弭大亂期保乂安若拂逆多數之民心重啓無窮之戢禍則大司決裂殘殺相尋勢必演至種族之慘痛將致九廟震驚兆民荼毒後禍何忍復言本古相形惟取其輕者正朝廷審時觀變痼癘吾民之苦衷爾京外臣民務當善體此意爲全局熟籌利害勿得挾虛僞之意氣逞偏激之空言致國與民兩受其禍着民政部步軍統領袁桂題馮國璋等嚴密防範凱切開導俾皆曉然於朝廷應天順人大公無私之意至國家設官分職以爲民極內列閣府部院外建督府司道所以康保羣黎非爲一人一家而設爾京外大小各官均宜慨念時艱慎供職守應卽責成各長官敦切勸誡毋曠職守用副夙昔愛撫庶民之至意以上各諭正月初已至蘭長庚祕而不宣至是因黃鉞獨立始披露

慕壽祺曰自古天下之治亂皆人之懷才者爲之懷才者無不思用其才思用其才而不予以致用之地彼其才又不能不有所用有所用而不出於此卽入於彼入於彼則必有害於此夫至有害於此而欲求天下之長治久安也又烏從而得之孫文提倡革命三十餘年屢扑屢起百折不回所謂非常人也也有非常之人而後成非常之功武昌一呼全國響應清廷遜位由亂而治有志者事竟成也豈虛語哉

省城設陸軍小學堂

以前清武備學堂改組

慕壽祺曰甘肅武備學堂取法湖北而稍變通之形式精神皆有可觀蓋學堂之初設備也總辦楊增新親往東南各省調查一切故能取其所長也嘗聞總辦勉勵學生之言曰武備學堂之設以湖北爲最安徽則經理有法故學員較無習氣第局面尙待擴充江南則興辦有年故氣象頗具大觀而教法雖言盡善湖南則程度尙淺蘇州則規畫未宜河南南甯經開辦尙無優劣之可言甘肅自古爲用武之區青年自天然軍人之特性加以學與識及鋒而試安見今必異於古所云耶

臨時省議會成立舉李鏡清爲正議長周務學慕壽祺副之

甘肅民智原未開通

雜言厯弊誠不免然十室之邑必有忠信不能謂甘肅之大竟無熱心公益深明政要之人現在舊咨議局尙存有議長某君一二人主持其事其舊日議員早皆風流雲散所有該局發表事件斷非全體意思今年原係改選之年若不速行舉辦將此後關於地方一切舉廢雖咨詢該局而各屬不予承認其結果必歸無效且共和立憲之國而下無完全

議會名實不符勢必演成宇宙間一種怪象爲今之計非規定臨時選舉簡章亟飭各屬選舉賢員組織完全省議會不可限省各府廳州縣優秀份子於是月廿四日在省文廟組織臨時省議會農商兩界共來千餘人投票結果以李鏡清所得爲最多李鏡清者字鑑亭狄道人也才兼文武遇事敢言以拔貢知縣籤分四川後因迭次勦匪在知縣任內統帶新軍五營故其名爲婦孺所共知及錫良任雲貴總督時奏調鏡清之雲南以道員練兵駁駁乎可大用矣宣統三年秋八月武漢起義即旋里歲暮抵狄道以聯絡同漢共保治安爲宗旨鄉紳笑其怯極反對詆毀時甘軍援陝大局未定漢回相忌官紳互猜河州謠詠尤甚諮議局解散無人故舉鏡清以促成共和鏡清年少氣盛遭逢改革欲速成功每談及時政輒厲聲色

慕壽祺曰前清豫備立憲亦嘗設咨議局矣然必咨而後議議員名額寥寥如數點晨星以云民權徒空言耳夫專制時代其大權在長官民爲咨議其實皆敷衍塞責之謀共和國家其主權在人民凡所更張要必以服從輿論爲本局勢不同手續亦因之而異觀於文廟之投票而知民氣之日漸發揚也中山所謂選舉權此其一端也夫

長庚遺馬忠孝劉文繡率兵赴秦州

黃鉞爲促進共和已於秦州設軍政府長庚聞之大驚曰是兒乃革命黨耶何無一人告我甚

矣人不易知而知人亦不易也乃議進兵事宜馬福祥薦其鄉人馬忠孝謂可辦大事周務學薦其門人劉文繡謂勤苦耐勞遂以忠孝爲統帶文繡爲管帶一漢一回各率兵向秦州進發

劉玉山由
武庫花宮
當期後任
國游後任
督標中協
通之流亞
賦

副將劉玉說總督長庚據陝甘以圖恢復長庚不聽

清庭遜位詔此間已奉到長庚而不肯蓋不忍清之遠

亡也會黃鉞在秦州獨立李鏡清又舉臨時省議長庚知人已去無力回天擬由甯夏回京督標中協劉玉聞長庚之有去志也乃獻策曰昔元順帝走北莫王保保據蘭州以圖恢復李自成陷北京回酋米喇印抵甘州以起義師今者共和成立粗具規模我公坐鎮西陲人心愛戴居上游之地為遠大之謀事成則為曾文正旋轉乾坤不成亦不失為王保保由甯夏入河套聯絡蒙古捲土重來吾恐項城聞之食不下咽也長庚曰大虞將傾豈一木所能支玉曰前督升吉甫已回平涼發急電催其速來俟差商就緒再約迪化大事可成也長庚曰茲事體大容吾細思玉出謂所親曰事不諧矣不出三日玉旋里

二月朔蘭州始承認共和

是日也冠裳楚軍政各機關齊集省議會禮堂慶祝共和說雖專制歡聲雷動淑氣春回巡警道派舉蘭縣知事顧恩

培往督署報告長庚即將陝甘總督印信交省議會

前陝甘總督長庚去職

先是正月下旬項城總統電令長庚以都督名義暫維甘肅現狀長庚揮淚對司道而言曰吾老矣不能收王保保之為人而

赦顏事仇人雖不言獨不愧於心乎至是聞省城懸五色龍旗實行共和政體知此不能一日居定初二日首途由甯夏晉京屆時出北門渡河登王保保城歎息而去王保保城在省城河北昔擴廓帖未兒所築以攻蘭州者也

幕壽祺曰朱李及知杭州在郡數年不市吳中一物比去惟購白樂天集一部清初湯中丞潛庵斌撫吳敵籠數肩不增一物於舊比去惟市廿一史一部當時賢之長庚開府西北又烏出李幼幾湯文正之上矣比其歸也行李肅然聞帶甘肅新通志一部嗚呼廉矣

皋蘭縣民衆請免民事訴訟費省政府不許

去秋武昌起義蘭州地方審判廳皋蘭初級審判廳皋蘭縣署照舊接收訟訴

並徵收訟費民衆以向無此例紛紛向省政府請免訟費民政長批駁之

訟費烏乎起曰有兩原因焉其一所以防一般人民之輕訟蓋人不能無羣有羣斯有爭有爭斯有訟若不有以限制之恐狡黠者逞誣陷之能謹愿者受無窮之累變詐百出防不勝防本依法定審判以平爭轉以訴訟便宜而多事則不能不有一定之訟費也此其一種原因其二將以使審判費用之有償蓋國家爲簡人事務執行判斷一切費用使概由國庫支出則訴訟者與非訴訟者同一負擔殊非情理之平然此種費用悉以責諸訴訟者全償

之則又有所不可何則審判制度原爲社會共同生存之利益計個人以特別之故而煩國家之特別勞費只須代償若干以爲補助不必徵收國家所費金額之全部則其不能不有一定之訟費也此又一種原因溯厥原因無古今中外一也議者不察以爲近來民間有一事之不平欲向官長呼籲小則廢時失業大則破產亡家丁也書也役也以訟費無明文規定大抵暗中索取肆意誅求正案已銷牽連未已此皆爲民之蠹而實亦官之蠹也綜此理由遂謂中法不如西法抑知西法之中固有與中法相同者乎考之周禮以兩造禁民訟入束矢於朝然後聽之以兩劑禁民獄入鈞金三日乃致於朝然後聽之兩造謂兩爭者皆至於公庭也兩劑謂兩爭者券書也百矢爲束入矢所以自明其直金三十斤爲鈞入金所以自明其實不直不實沒入

其金矢直者實者猶可還之雖貧民亦未遽困也其不能致者又於外朝設
肺石寢門外設路鼓以達之尋繹此義可見我先民聽受民訟通達民情固
有大經大法以垂後世而初非淺見者流所能窺其萬一者外國訴訟其百
年前之黑暗與我國秦漢以還無二致幸彼中學人輩出相與研究而訴訟
制度遂於世界上欲大光明何以見之彼之司法手數料卽我國訟費之意
也司法手數料中民事刑事其最著者以民事言則依裁判行爲之難易訴
訟規程要件之異同判斷要求之大小輕重及訴訟物價格而設有等差費
雖出於原告而結果歸敗訴者負擔之原告理直猶可償還卽周禮束矢鈞
金之之意也以刑事言則依事物費用及罪狀罰則而定惟實際上被告者
往往甚貧國家於此種手數料常自其棄徵收之權而使歸國庫負擔僅證

人鑑定人通事等費責令犯人繳納其貧不能繳納者時或爲之酌免亦以
事關公益不能與民事同論卽周禮肺石路鼓之意也由是言之大凡事理
必有當然之極苟用其極則古今中外初無二致特患無人爲之推究耳法
部有鑒及此於光緒三十三年奏定京師各級審判廳試辦章程內有訟費
大概之規定近年復擬定民事刑事訟費暫行章程奏請飭交憲政編查館
核議可謂知本者也夫處積重難返之秋而爲窮變通久之計醉心西法者
方謂事事爲中國所未有幾欲步亦步而趨亦趨而默守先型者又鄙薄西
人以爲事事不足取法不明乎損益會通之故而徒有古今中外之見存其
不爲悖且愚者幾希

省政府通令各縣種樹並頒發章程

都督趙維熙在甘肅久知抗旱原因由
於水分不足蒞任後首以種樹爲急務

前清光緒三十一年農工商部曾咨各省一律講求造林之法並將所轄境內適於造林之區域與國有天產之森林限期咨報甘肅地雖邊遠而造林區域以西北爲適宜當道飭令各州縣講求林政以種樹之多少定成績之優劣一時雷厲風行敷衍塞責者固不乏人而認真講求者亦復不少奈林業爲利甚溥而收效較遲若國家無整齊劃一之章程官府無切責營辦之責任而全恃民人自爲之能力蚩蚩者氓亦知林業之關係重要思有以振興之惟森林法律未布森林警察未設雖種樹如郭橐駝而成材者被人盜伐發萌者被人蹂躪加以牛羊踐踏保護無人欲其成林豈乎難矣

慕壽祺曰我國古無林業之稱然山虞林衡載在周禮稽其職掌與其禁令揆之各國大略同焉孟子曰斧斤以時入山林材木不可勝用供用之中保

安之意寓焉矣特自阡陌之制開山澤之禁弛取之無節養之不時於是場圃之師僅談瓜果田舍之婦但話桑麻而濯濯童山遂無復過問者矣蓋其時制作簡陋工藝未興林木之用苟焉取給而已若夫林業可以保安其學理既未發明故上下均無由注意今則非昔比矣

都督下剪髮令

剪髮原取大同主義非自民國始也前清資政院於宣統初元爲全國輿論代表痛外人之歧視鑒習俗之非宜兩次建議陳請剪髮時勢所趨斷難膠固况民國成立各省多已剪髮甘肅各縣垂辦仍多幾類此吟彼域之分尤味相觀而善之義非所以昭大同表共和也督軍趙維熙會同省議會下剪髮令並將不宜辦髮之理由詳故言之

剪髮理由

剪髮原取大同主義近年以來如前清資政院爲全國輿論代表痛外人之岐視鑒習俗之非宜兩次建議陳請剪髮足見時勢所趨斷難膠固刻下南

方各省多已剪髮而北方各省垂辮仍多幾類此畛彼域之分尤味相觀而善之義茲將必須剪髮之故爲我國民剴切宣告由省政府演成白話告示廣爲勸諭

一留辮非中國本俗魯論左傳皆以被髮爲可痛如吾其被髮左衽及伊川之民被髮野祭併古詔解辮受職之類近代易挽髻爲垂辮無非意主便利而剪髮則尤較辮髮爲便利如疑髮膚不可毀傷則昔日之辮髮已難四周可見此事以從便利爲宜不得謂髮之四周可難而髮之中心不可難也且髮爲血餘如指甲之爲筋餘髮之宜剪無可疑也

一留辮於外交不便萬國大同凡今所謂強盛之邦文明之國莫不剪髮卽東南洋各國前有挽髻及垂辮者亦莫不改從歐西之制誠以留辮之俗昔

則蒙譏於經史今又見誚於歐美此外惟各國視爲蠻野及有所猜防者乃故令留辮以示殊異此萬不必顧惜也

一留辮於軍事及農工不便中國近五六十年凡在軍營當兵勇及爲將領者身當前敵皆盤辮於頂取戰鬥擊射之便利其餘農人之耕鋤種植者各工人之作工者挽車者亦無不盤辮如當時例准剪髮則羣情早已樂趨自無留至今日之理然夏日則徒增熱度於衛生殊不相宜而機器各廠內髮辮一遭牽挂則多傷生命此又種種有妨礙者

一留辮於衣服被褥等易增穢垢垂髮於後則無論何種衣服被褥凡當剪髮所垂之處無論長短皆有油染洗浣亦不能淨如剪髮之後則衣服等自可免此層穢垢向可用一年者卽可用至數年中人之家以節衣縮食爲本

此項費用所省必多是於貧民生計有益也

一留辦於民國觀聽有礙刻下南方各省人人剪髮已成國俗而北方各省

自官紳軍學各界外剪髮者尙屬寥寥近年出洋留學者剪髮爲陸軍者剪

髮當時通人之論也然彼時一剪一留已嫌制度不能畫一情誼不能貫通

今民國維新更宜從同一以免疑似之嫌一以增親愛之感也

省議會咨請都督宜速調回援陝各軍隊

辛亥之變甘軍援陝者張行志則率固原提標六營駐方鳳翔張天壽則率省防軍

五營隨升允開往陝西馬安良則率回軍一營駐紮乾州與陝西張雲山相率現有政體改爲共和係經清廷允許通諭天下一律罷兵爲保安皇室保全民命起見甘肅軍隊

已入陝境升允抱激切愚忱或執前次朝旨爲辭仍然督率前進急宜以理諭之總以恪遵最後朝旨保全一方生靈爲重並宜分函通知各統兵官令張行志統率所部仍回固

原本任鎮攝腹地馬安良統率所部駐紮慶陽一帶以備北邊陸洪濤駐守涇州保護商路其餘零星小部分別調紮以次遣散即前之大陸軍隊亦應按月酌裁一二營以節餉

精軍械即交本營陸續解省期以一年裁盡如此辦理軍人固不至一時失業譁噪即新政頒布亦不至有人民驚駭土匪蠭起之虞萬一升允執迷不從常聲明此項軍隊皆甘